

Euskal Herrian Euskaraz

EUSKAL HERRIAN EUSKARAZ ERRENTERIA

Denboran pixka bat atzera jotzen badugu, berehala konturatzen gara noiz eta zergatik azaldu zen EHE taldea. EHEren prozesua ez da bat batean agertu zen fenomeno bat, noski. 1979. urtean egiten dira publikoki taldearen proiektu eta helburuak. Orduan pertsona batzuren hitz haiek, gaur errealitate dinamiko bat bilakatu dira. EHE sortu zenerako, euskal instituzioek bazeramaten denboraldi polit bat beren ihardunetan eta ordurako euskaldun multzo zintzo bat benetan kezkatzen hasia zen euskal erakunde eta politikoei euskararekiko azaltzen zuten portarekin. Egia esan behar bada, kezkatu baino gehiago bildurtu egin ziren, euskararen egoera ikusirik. Ezin zen egoera hura ulertu, ez sinetsi, politikoen eta gizarteko multzo haundi baten axolagabekeria gure hizkuntzarekiko portareri zegokionez. Euskaldun hitza ahoz aho zebilen, gora eta behera, han eta hemen; eta era berean gure histori mitikoa, gure hizkuntza zaharra independentzia, burujabetasuna, herria eta nazio kontzeptuak, baina... erdaraz!

Eta egun batean mandamendu berri bat entzuten da: «Euskalduna, euskara duena da». Batzurenzat hemen amaitzen da beren historia eta beste batzurenzat hasi. EHE benetako euskaldunen mugimendu bat da, erakunde eta jendearen geldikeriak sortzen duen erreakzio bortiza. Taldeak, atzerriko eta geure esenpluak aztertu ondoren argi eta garbi ikusten du, ez instituzioak, ez legeak, ez intelektualak; nahiz eta denak bat egin, ezinezkoa dutela gure hizkuntzaren garaipena eta normalizazioa lortzea.

EHE-entzat argi dago: Euskara, Euskal Herriak bakarrik aterako du aurrera. Eta honetarako baldintza bakarra dago: Euskararen erabilpena.

Hamaika aldiz demostratu dugu euskaldunok hizkuntza kontzientziarik ez dugula, eta honela geuk ari garela geure hilobia zulatzen.

Gure kasoan borondate politikoa ez da aski hizkuntza normalizazioa lortzeko; bitartekoak behar ditugu, eta horretarako borrokatzen du EHE-ek. Kontzientziazio kanpainak, manifestaldiak, euskal irratiteleraren aldeko mobilizazioak, trafikoko seinaleen ezabaketaketa euskaratzeak, udaletxeetako salaketak, dendetako izen-txartelak, euskaltokien eraketak eta abar aurrera eraman ditu militanten lan pairakorren bitartez.

Herri dinamika bat bultzatu nahi dugu, euskara denon arazoa delako. Oraindik bidean lan asko dago egiteko. Noiz lortuko dugu telebista, prentsa, eskolak, udaletxeak, parlamentua eta gobernua gure hizkuntza ofizial eta nazionalen aritzea? Ikusiko duzun bezala, arrazoi asko ditu EHE-ek bere lanean jarraitzeko.

Gure super eta makrozibilizazio honen jokaera jakinik, guk ez dugu inolazko zalantzarik ikusten daramagun jokatibidean, eta jakin bai, badakigu nolako burruka latza jasan beharko dugun gure herria euskalduna ikusi arte. Gure mikro-txikitasun honek ez digu etsiaraziko, noski.

EHE-ek sinesten du euskaldunok hizkuntza propioa dugula: Euskara, eta euskararik gabe ez dagoela ez euskaldunik, ez independentziarik, ez abertzalerik.

Gaur egun, euskalduna izatea ia ia probokazio bat bihurtu da; eta soziolinguistikak dioten bezala, hizkuntza bat probokazioa bilakatzen denean bere desagertzea begi aurrean dauka.

EHE-ek egoera honi enbido bat bota dio eta irabazteko, konbentzitu zaitez, zure tantoa ezinbestekoa zaigula.

KILOMETROAK

MIKEL ERRIONDO

Aurtengo honetan eta dakizuenez noski, Errenerian ospatuko da Euskara eta Ikastolen alde eratzen den ekitaldi edota jai hau.

Urtez urte sendotzen doa festa hau. Urtez urte jendetza gehiagok parte hartzen du bertan.

ERRENTERIA beste zenbait ekintzeta bezalaxe, badu adierazpide berezia, eta gure ilusioa, antolaketa ardu onartu dugunon ilusioa zera bagara, egun bat izan dezagun aurreko ediziotan baino dimentsio zabalagoa lortu.

Esan nahi dudana argitzen saiatuko naiz.

Gure Ikastola berezia eta bakarra izan da zenbait arlotan. Horietako bat eta garrantzi gehientsuenetakoa zera da: Gure herrian bizirik diren ideologi desberdinak elkar bizi izan dira gatazkarik gabe Ikastola barru.

Eta hauxe litzateke gure ilusioa. Aurtengo festa honek elkarren arteko laguntasuna, erabateko BATASUNA sor dezan gure artean; gure Euskal-Herria Euskadi bihurtu da elkar burrukatzeko kapaz ez bagara, egun bat izan dezagun urtean aipatutako utopia hori errealitate izan dadin.

Zer eskatuko nizue guztioi? Zuen uste sendoak, zuen etsipenak alde batera utzi eta egun batez «elkartzen gaia-tuen gauzatan oinarritu, banatzen gaituena alde batera utzirik» karlistak esan zuenari jarraituz. Hau egiteko gauza

bagara, bide baten oinarriak ipintzeko gai izan gara, egun batez besterik ez bada ere, etorkizunerako EUSKADI bateratu bat lor dezakean bidean, ilusioz eta eskuzabal bere etorkizuna bizitzeko gai den herria.

Lagun gaitzazu esandakoa lortzen... egun batez bada ere.

KILOMETROAK

Como ya sabéis, este año es en RENTERIA donde se celebra esta fiesta instituida en pro del euskera y de las Ikastolas.

Es una fiesta que, como muchos de vosotros sabéis, va consolidándose y de año en año va superando el número de asistentes.

RENTERIA, como en otras muchas actividades, tiene su peculiar forma de expresarse y, nuestra ilusión, la de los que hemos aceptado organizarla sería, que también en esta oportunidad fuéramos capaces de darle una dimensión más amplia que las anteriores ediciones.